

ऋषिः ब्रह्मातिथिः काण्वः	छन्दः गायत्री 1-36, बृहती 37-38, अनुष्टुप् 39	देवता अश्विनौ 1-36,
अश्विकशवः 37, चैद्यः कशुः 38-39		

दूरादिहेव् यत्सत्यरुणप्सुरशिश्चितत्	वि भानुं विश्वधातनत्	॥ 1 ॥
नृवद्दसा मनोयुजा रथेन पृथुपाजसा	सचेथे अश्विनोषसम्	॥ 2 ॥
युवाभ्यां वाजिनीवसू प्रति स्तोमां अदक्षत	वाचं दूतो यथोहिषे	॥ 3 ॥
पुरुप्रिया ण ऊतये पुरुमन्द्रा पुरुवसू	स्तुषे कण्वासो अश्विना	॥ 4 ॥
मंहिष्ठा वाजसातमेषयन्ता शुभस्पतीं	गन्तारा दाशुषो गृहम्	॥ 5 ॥
ता सुदेवाय दाशुषे सुमेधामवितारिणीम्	घृतैर्गव्यतिमुक्षतम्	॥ 6 ॥
आ नः स्तोममुप द्रवत्तयं श्येनेभिराशुभिः	यातमश्वैभिरश्विना	॥ 7 ॥
येभिस्तिस्त्रः प्रावतो दिवो विश्वानि रोचना	त्रैरकून्परिदीयथः	॥ 8 ॥
उत नो गोमतीरिष उत सातीरहर्विदा	वि पथः सातये सितम्	॥ 9 ॥
आ नो गोमन्तमश्विना सुवीरं सुरथं रयिम्	वोळहमश्वीवतीरिषः	॥ 10 ॥
वावृधाना शुभस्पती दसा हिरण्यवर्तनी	पिबतं सोम्यं मधु	॥ 11 ॥
अस्मभ्यं वाजिनीवसू मघवद्भ्यश्च सप्रथः	छुर्दियन्तमदाभ्यम्	॥ 12 ॥
नि षु ब्रह्म जनानां याविष्टं तूयमा गतम्	मो ष्वश्रुन्यां उपारतम्	॥ 13 ॥
अस्य पिबतमश्विना युवं मदस्य चारुणः	मध्वो रातस्य धिष्ण्या	॥ 14 ॥
अस्मे आ वहतं रयिं शतवन्तं सहस्रिणम्	पुरुक्षुं विश्वधायसम्	॥ 15 ॥
पुरुत्रा चिद्धि वां नरा विह्वयन्ते मनीषिणः	वाघद्विरश्विना गतम्	॥ 16 ॥
जनासो वृक्तर्बहिषो हविष्मन्तो अरुकृतः	युवां हवन्ते अश्विना	॥ 17 ॥
अस्माकमद्य वाम्यं स्तोमो वाहिष्ठो अन्तमः	युवाभ्यां भूत्वश्विना	॥ 18 ॥
यो ह वां मधुनो दृतिरार्हितो रथचर्षणे	ततः पिबतमश्विना	॥ 19 ॥
तेन नो वाजिनीवसू पश्वे तोकाय शं गवे	वहतं पीवरीरिषः	॥ 20 ॥
उत नो दिव्या इष उत सिन्धूरहर्विदा	अप् द्वारेव वर्षथः	॥ 21 ॥
कदा वां तौग्र्यो विधत्समुद्रे जहितो नरा	यद्वां रथो विभिष्पतात्	॥ 22 ॥
युवं कण्वाय नासत्याऽपिरिप्ताय हर्म्ये	शश्वदूतीदशस्यथः	॥ 23 ॥
ताभिरा यातमूतिभिर्नव्यसीभिः सुशस्तिभिः	यद्वां वृषण्वसू हुवे	॥ 24 ॥
यथा चित्कण्वमावतं प्रियमैधमुपस्तुतम्	अत्रिं शिञ्जारमश्विना	॥ 25 ॥
यथोत कृत्ये धनेऽशुं गोष्वगस्त्यम्	यथा वाजेषु सोभरिम्	॥ 26 ॥
एतावद्वां वृषण्वसू अतो वा भूयो अश्विना	गृणन्तः सुम्रमीमहे	॥ 27 ॥
रथं हिरण्यवन्धुरं हिरण्याभीशुमश्विना	आ हि स्थाथो दिविस्पृशम्	॥ 28 ॥

हिरण्ययीं वां रभिरीषा अक्षो हिरण्ययः	उभा चक्रा हिरण्यया	॥ 29 ॥
तेन नो वाजिनीवसू परावर्तश्चिदा गतम्	उपेमां सुष्टुतिं मम	॥ 30 ॥
आ वहेथे पराकात्पूर्वोश्चन्तावश्विना	इषो दासीरमर्त्या	॥ 31 ॥
आ नो द्युमैरा श्रवोभिरा राया यातमश्विना	पुरुश्चन्द्रा नासत्या	॥ 32 ॥
एह वां प्रुषितप्सवो वयो वहन्तु पर्णिनः	अच्छा स्वध्वरं जनम्	॥ 33 ॥
रथं वामनुगायसं य इषा वर्तते सह	न चक्रमभि बाधते	॥ 34 ॥
हिरण्ययेन रथेन द्रवत्पाणिभिरश्वैः	धीजवना नासत्या	॥ 35 ॥
युवं मृगं जागृवांसं स्वदथो वा वृषण्वसू	ता नः पृङ्गमिषा रुयिम्	॥ 36 ॥
ता मे अश्विना सनीनां विद्यातं नवानाम्		
यथा चिञ्चैद्यः कशुः शतमुष्ट्रानां ददत् सहस्रा दश गोनाम्		॥ 37 ॥
यो मे हिरण्यसदृशो दश राज्ञो अमंहत		
अधस्पदा इञ्चैद्यस्य कृष्टयश्चर्मन्ना अभितो जनाः		॥ 38 ॥
मार्किरेना पथा गाद्येनेमे यन्ति चेदयः । अन्यो नेत्सूरिरोहते भूरिदावत्तरो जनः		॥ 39 ॥

(48)

6

(म.8, अनु.2)

ऋषिः वत्सः काण्वः	छन्दः गायत्री	देवता इन्द्रः 1-45, तिरिन्दिरः पारशव्यः 46-48
महाँ इन्द्रो य ओजसा पर्जन्यो वृष्टिमाँ इव		स्तोमैर्वत्सस्य वावृधे ॥ 1 ॥
प्रजामृतस्य पिप्रतः प्र यद्भरन्त वह्नयः		विप्रा ऋतस्य वाहसा ॥ 2 ॥
कण्वा इन्द्रं यदक्रतु स्तोमैर्यज्ञस्य सार्धनम्		जामि ब्रुवत आयुधम् ॥ 3 ॥
समस्य मन्यवे विशो विश्वा नमन्त कृष्टयः		समुद्रायैव सिन्धवः ॥ 4 ॥
ओजस्तदस्य तित्विष उभे यत्समवर्तयत्		इन्द्रश्चर्मैव रोदसी ॥ 5 ॥
वि चिद्धृत्रस्य दोधतो वज्रेण शतपर्वणा		शिरौ बिभेद वृष्णिना ॥ 6 ॥
इमा अभि प्र णोनुमो विपामग्रेषु धीतयः		अग्नेः शोचिर्न दिद्युतः ॥ 7 ॥
गुहा सतीरुप त्मना प्र यच्छोचन्त धीतयः		कण्वा ऋतस्य धारया ॥ 8 ॥
प्र तमिन्द्र नशीमहि रयिं गोमन्तमश्विनम्		प्र ब्रह्म पूर्वचित्तये ॥ 9 ॥
अहमिद्धि पितुष्परि मेधामृतस्य जग्रभ		अहं सूर्यइवाजनि ॥ 10 ॥
अहं प्रलेन मन्मना गिरः शुम्भामि कण्ववत्		येनेन्द्रः शुष्ममिद्धे ॥ 11 ॥
ये त्वामिन्द्र न तुष्टुवुर्ऋषयो ये च तुष्टुवुः		ममेद्धर्धस्व सुष्टुतः ॥ 12 ॥
यदस्य मन्युरध्वनीद्धि वृत्रं पर्वशो रुजन्		अपः समुद्रमैरयत् ॥ 13 ॥
नि शुष्ण इन्द्र धर्णासिं वज्रं जघन्थु दस्यवि		वृषा ह्युग्र शृण्विषे ॥ 14 ॥
न द्याव इन्द्रमोजसा नान्तरिक्षाणि वज्रिणाम्		न विव्यचन्त भूमयः ॥ 15 ॥
यस्त इन्द्र महीरुपः स्तभूयमान आशयत्		नि तं पद्यासु शिश्रथः ॥ 16 ॥
य इमे रोदसी मही समीची समजग्रभीत्		तमोभिरिन्द्र तं गुहः ॥ 17 ॥

य इन्द्र यतयस्त्वा भृगवो ये च तुष्टुवुः	ममेदुग्र श्रुधी हवम्	॥ 18 ॥
इमास्त इन्द्र पृथ्व्यो घृतं दुहत आशिरम्	एनामृतस्य पिप्युषीः	॥ 19 ॥
या इन्द्र प्रस्वस्त्वाऽऽसा गर्भमचक्रिरन्	परि धर्मैव सूर्यम्	॥ 20 ॥
त्वामिच्छवसस्पते कण्वा उक्थेन वावृधुः	त्वां सुतासु इन्द्रवः	॥ 21 ॥
तवेदिन्द्र प्रणीतिषूत प्रशस्तिरद्रिवः	यज्ञो वितन्तसाय्यः	॥ 22 ॥
आ न इन्द्र महीमिषं पुरं न दर्षि गोमतीम्	उत प्रजां सुवीर्यम्	॥ 23 ॥
उत त्यदाश्वश्व्यं यदिन्द्र नाहुषीष्वा	अग्रै विक्षु प्रदीदयत्	॥ 24 ॥
अभि व्रजं न तलिषे सूरं उपाकचक्षसम्	यदिन्द्र मृळयासि नः	॥ 25 ॥
यदुङ्ग तविषीयसु इन्द्रं प्रराजसि क्षितीः	महां अपार ओजसा	॥ 26 ॥
तं त्वा हविष्मतीर्विश उपं ब्रुवत ऊतये	उरुज्रयसमिन्दुभिः	॥ 27 ॥
उपहरे गिरीणां संगथे च नदीनाम्	धिया विप्रो अजायत	॥ 28 ॥
अतः समुद्रमुद्वर्तश्चिकित्वां अव पश्यति	यतो विपान एजति	॥ 29 ॥
आदित्प्रत्नस्य रेतसो ज्योतिष्यशयन्ति वासुरम्	पुरो यदिध्यते दिवा	॥ 30 ॥
कण्वास इन्द्र ते मतिं विश्वै वर्धन्ति पौंस्यम्	उतो शविष्ठ वृष्ण्यम्	॥ 31 ॥
इमां म इन्द्र सुष्टुतिं जुषस्व प्र सु मामव	उत प्र वर्धया मतिम्	॥ 32 ॥
उत ब्रह्मण्या वयं तुभ्यं प्रवृद्ध वज्रिवः	विप्रा अतक्ष्म जीवसे	॥ 33 ॥
अभि कण्वा अनूषताऽऽपो न प्रवता यतीः	इन्द्रं वनन्वती मतिः	॥ 34 ॥
इन्द्रमुक्थानि वावृधुः समुद्रमिव सिन्धवः	अनुत्तमन्युमजरम्	॥ 35 ॥
आ नो याहि परावतो हरिभ्यां हर्यताभ्याम्	इममिन्द्र सुतं पिब	॥ 36 ॥
त्वामिद्वृत्रहन्तम् जनासो वृक्तर्बहिषः	हवन्ते वाजसातये	॥ 37 ॥
अनु त्वा रोदसी उभे चक्रं न वर्त्यतेशम्	अनु सुवानासु इन्द्रवः	॥ 38 ॥
मन्दस्वा सु स्वर्णर उतेन्द्र शर्यणार्वति	मत्स्वा विवस्वतो मती	॥ 39 ॥
वावृधान उप द्यवि वृषा वृज्ररोरवीत्	वृत्रहा सोमपातमः	॥ 40 ॥
ऋषिर्हि पूर्वजा अस्येक ईशान ओजसा	इन्द्रं चोष्क्यसे वसुं	॥ 41 ॥
अस्माकं त्वा सुतां उप वीतपृष्ठा अभि प्रयः	शतं वहन्तु हरयः	॥ 42 ॥
इमां सु पूव्यां धियं मधोर्घृतस्य पिप्युषीम्	कण्वा उक्थेन वावृधुः	॥ 43 ॥
इन्द्रमिद्विमहीनां मेधे वृणीत मर्त्यैः	इन्द्रं सनिष्युरूतये	॥ 44 ॥
अर्वाञ्च त्वा पुरुष्टुत प्रियमेधस्तुता हरी	सोमपेयाय वक्षतः	॥ 45 ॥
शतमहं तिरिन्दिरे सहस्रं पर्शावा ददे	राधांसि याद्वानाम्	॥ 46 ॥
त्रीणि शतान्यर्वतां सहस्रा दश गोनाम्	ददुष्प्राय साग्ने	॥ 47 ॥
उदानङ्ककुहो दिवमुष्ट्राञ्चतुर्युजो ददत्	श्रवसा याद्वं जनम्	॥ 48 ॥

ऋषिः पुनर्वत्सः काण्वः	छन्दः गायत्री	देवता मरुतः
प्र यद्वस्त्रिष्टुभमिषं मरुतो विप्रो अक्षरत्	वि पर्वतेषु राजथ	॥ 1 ॥
यदुङ्ग तविषीयवो यामं शुभ्रा अचिध्वम्	नि पर्वता अहासत	॥ 2 ॥
उदीरयन्त वायुभिर्वाश्रासः पृश्निमातरः	धुक्षन्त पिप्युषीमिषम्	॥ 3 ॥
वर्पन्ति मरुतो मिहं प्र वैपयन्ति पर्वतान्	यद्यामं यान्ति वायुभिः	॥ 4 ॥
नि यद्यामाय वो गिरिर्नि सिन्धवो विधर्मणे	महे शुष्माय येमिरे	॥ 5 ॥
युष्मां उ नक्तमूतये युष्मान्दिवा हवामहे	युष्मान्प्रयत्यध्वरे	॥ 6 ॥
उदु त्ये अरुणप्सवश्चित्रा यामेभिरीरते	वाश्रा अधि ष्णुना दिवः	॥ 7 ॥
सृजन्ति रश्मिमोजसा पन्थां सूर्याय यातवे	ते भानुभिर्वि तस्थिरे	॥ 8 ॥
इमां मे मरुतो गिरमिमं स्तोममृभुक्षणः	इमं मे वनता हवम्	॥ 9 ॥
त्रीणि सरांसि पृश्नयो दुदुहे वज्रिणे मधु	उत्सं कवन्धमुद्रिणम्	॥ 10 ॥
मरुतो यद्ध वो दिवः सुम्नायन्तो हवामहे	आ तू न उप गन्तन	॥ 11 ॥
यूयं हि ष्ठा सुदानवो रुद्रा ऋभुक्षणो दमे	उत प्रचेतसो मदै	॥ 12 ॥
आ नो रयिं मदच्युतं पुरुक्षुं विश्वधायसम्	इयता मरुतो दिवः	॥ 13 ॥
अधीव यद्विरीणां यामं शुभ्रा अचिध्वम्	सुवानैर्मन्ध्व इन्दुभिः	॥ 14 ॥
एतावतश्चिदेषां सुम्रं भिक्षेत मर्त्यैः	अदाभ्यस्य मन्मभिः	॥ 15 ॥
ये द्रप्साइव रोदसी धमन्त्यनु वृष्टिभिः	उत्सं दुहन्तो अक्षितम्	॥ 16 ॥
उदु स्वानेभिरीरत उद्रथैरुदु वायुभिः	उत्स्तोमैः पृश्निमातरः	॥ 17 ॥
येनाव तुर्वशं यदु येन कण्वं धनुस्पृतम्	राये सु तस्य धीमहि	॥ 18 ॥
इमा उ वः सुदानवो घृतं न पिप्युषीरिषः	वर्धान्काण्वस्य मन्मभिः	॥ 19 ॥
क्व नूनं सुदानवो मदथा वृक्तबर्हिषः	ब्रह्मा को वः सपर्यति	॥ 20 ॥
नहि ष्म यद्ध वः पुरा स्तोमेभिर्वृक्तबर्हिषः	शर्धा ऋतस्य जिन्वथ	॥ 21 ॥
समु त्ये महतीरपः सं क्षोणी समु सूर्यम्	सं वज्रं पर्वशो दधुः	॥ 22 ॥
वि वृत्रं पर्वशो ययुर्वि पर्वतां अराजिनः	चक्राणा वृष्णि पौंस्यम्	॥ 23 ॥
अनु त्रितस्य युध्यतः शुष्ममावन्नत क्रतुम्	अन्विन्द्रं वृत्रतूर्ये	॥ 24 ॥
विद्युद्धस्ता अभिद्यवः शिप्राः शीर्षन्हैरण्ययीः	शुभ्रा व्यञ्जत श्रिये	॥ 25 ॥
उशना यत्परावत उक्षणो रन्ध्रमयातन	द्यौर्न चक्रदद्धिया	॥ 26 ॥
आ नो मखस्य दावनेऽश्वैर्हैरण्यपाणिभिः	देवासु उप गन्तन	॥ 27 ॥
यदेषां पृषती रथे प्रष्टिर्वहति रोहितः	यान्ति शुभ्रा रिणन्नपः	॥ 28 ॥

सुषोमै शर्यणावत्यार्जीके पुस्त्यावति		ययुर्निचक्रया नरः	॥ 29 ॥
कदा गच्छाथ मरुत इत्था विप्रं हवमानम्		मार्डीकेभिर्नाधमानम्	॥ 30 ॥
कद्ध नूनं कधप्रियो यदिन्द्रमजहातन		को वः सखित्व ओहते	॥ 31 ॥
सहो षु णो वज्रहस्तैः कण्वासो अग्निं मरुद्धिः		स्तुषे हिरण्यवाशीभिः	॥ 32 ॥
ओ षु वृष्णः प्रयज्युना नव्यसे सुविताय		ववृत्यां चित्रवाजान्	॥ 33 ॥
गिरयश्चित्रि जिहते पर्शानासो मन्यमानाः		पर्वताश्चित्रि यैमिरे	॥ 34 ॥
आक्षण्यावानो वहन्त्यन्तरिक्षेण पततः		धातारः स्तुवते वयः	॥ 35 ॥
अग्निर्हि जानि पूर्व्यश्छन्दो न सूरौ अर्चिषा		ते भानुभिर्वि तस्थिरे	॥ 36 ॥

(23)

8

(म.8, अनु.2)

ऋषिः सध्वंसः काण्वः

छन्दः अनुष्टुप्

देवता अश्विनौ

आ नो विश्वाभिरूतिभिरश्विना गच्छतं युवम्। दसा हिरण्यवर्तनी पिबतं सोम्यं मधु	॥ 1 ॥
आ नूनं यातमश्विना रथेन सूर्यत्वचा । भुजी हिरण्यपेशसा कवी गम्भीरचेतसा	॥ 2 ॥
आ यातं नहुषस्पर्याऽऽन्तरिक्षात्सुवृक्तिभिः। पिबाथो अश्विना मधु कण्वानां सवने सुतम्	॥ 3 ॥
आ नो यातं दिवस्पर्याऽन्तरिक्षादधप्रिया । पुत्रः कण्वस्य वामिह सुषाव सोम्यं मधु	॥ 4 ॥
आ नो यातमुपश्रुत्यश्विना सोमपीतये । स्वाहा स्तोमस्य वर्धना प्र कवी धीतिभिर्नरा	॥ 5 ॥
यच्चिद्धि वां पुर ऋषयो जुहूरेऽवसे नरा । आ यातमश्विना गतमुपेमां सुष्टुतिं मम	॥ 6 ॥
दिवश्चिद्रोचनादध्या नो गन्तं स्वविदा । धीभिर्वत्सप्रचेतसा स्तोमैर्भिवनश्रुता	॥ 7 ॥
किमन्ये पर्यासतेऽस्मत्स्तोमैभिरश्विना । पुत्रः कण्वस्य वामृषिर्गीर्भिर्वत्सो अवीवृधत्	॥ 8 ॥
आ वां विप्र इहावसेऽह्वत्स्तोमैभिरश्विना । अरिप्रा वृत्रहन्तमा ता नो भूतं मयोभुवा	॥ 9 ॥
आ यद्वां योषणा रथमतिष्ठद्वाजिनीवसू । विश्वान्यश्विना युवं प्र धीतान्यगच्छतम्	॥ 10 ॥
अतः सहस्रनिर्णिजा रथेना यातमश्विना । वत्सो वां मधुमद्वचोऽशंसीत्काव्यः क्विः	॥ 11 ॥
पुरुमन्द्रा पुरुवसू मनोतरा रयीणाम् । स्तोमं मे अश्विनाविममभि वही अनूषाताम्	॥ 12 ॥
आ नो विश्वान्यश्विना धत्तं राधांस्यहया । कृतं न ऋत्वियावतो मा नो रीरधतं निदे	॥ 13 ॥
यन्नासत्या परावति यद्वा स्थो अध्यम्बरे । अतः सहस्रनिर्णिजा रथेना यातमश्विना	॥ 14 ॥
यो वां नासत्यावृषिर्गीर्भिर्वत्सो अवीवृधत् । तस्मै सहस्रनिर्णिजमिषं धत्तं घृतश्रुतम्	॥ 15 ॥
प्रास्मा ऊर्जं घृतश्रुतमश्विना यच्छतं युवम् । यो वां सुम्राय तुष्टवद्वसूयादानुनस्पती	॥ 16 ॥
आ नो गन्तं रिशादसेमं स्तोमं पुरुभुजा । कृतं नः सुश्रियो नरेमा दातमभिष्टये	॥ 17 ॥
आ वां विश्वाभिरूतिभिः प्रियमैधा अहूषत । राजन्तावध्वराणामश्विना यामहूतिषु	॥ 18 ॥
आ नो गन्तं मयोभुवाऽश्विना शंभुवा युवम्। यो वां विपन्यू धीतिभिर्गीर्भिर्वत्सो अवीवृधत्	॥ 19 ॥
याभिः कण्वं मेधातिथिं याभिर्वशं दशत्रजम् । याभिर्गोशर्यमावतं ताभिर्नोऽवतं नरा	॥ 20 ॥
याभिर्नरा त्रसदस्युमावतं कृत्व्ये धने । ताभिः ष्वस्मां अश्विना प्रावतं वाजसातये	॥ 21 ॥
प्र वां स्तोमाः सुवृक्तयो गिरो वर्धन्त्वश्विना। पुरुत्रा वृत्रहन्तमा ता नो भूतं पुरुस्पृहा	॥ 22 ॥

त्रीणि पदान्यश्विनोराविः सान्ति गुहा परः । कवी ऋतस्य पत्नभिरर्वाग्जीवेभ्यस्परि ॥ 23 ॥
(21) 9 (म.8, अनु.2)

ऋषिः शशकर्णः काण्वः छन्दः बृहती 1,4,6,14-15, गायत्री 2-3,20-21, ककुप् 5
अनुष्टुप् 7-9,13,16-19, त्रिष्टुप् 10, विराट् 11, जगती 12 देवता अश्विनौ

आ नूनमश्विना युवं वृत्सस्य गन्तमवसे । प्रास्मै यच्छतमवृकं पृथु च्छर्दिर्युतं या अरातयः ॥ 1 ॥
यदन्तरिक्षे यद्विवि यत्पञ्च मानुषाँ अनु । नृम्णं तद्धतमश्विना ॥ 2 ॥
ये वां दंसांस्यश्विना विप्रांसः परिमामृशुः । एवेत्काण्वस्य बोधतम् ॥ 3 ॥
अयं वां धर्मो अश्विना स्तोमैन् परि षिच्यते । अयं सोमो मधुमान्वाजिनीवसू येन वृत्रं चिकेतथः ॥ 4 ॥
यदप्सु यद्वनस्पतौ यदोषधीषु पुरुदंससा कृतम् । तेन माविष्टमश्विना ॥ 5 ॥
यन्नासत्या भुरण्यथो यद्वा देव भिषज्यथः । अयं वां वृत्सो मतिभिर्न विन्धते हविष्मन्तं हि गच्छथः ॥ 6 ॥
आ नूनमश्विनोऋषिः स्तोमं चिकेत वामया । आ सोमं मधुमत्तमं घर्मं सिञ्चादथर्वणि ॥ 7 ॥
आ नूनं रघुवर्तनिं रथं तिष्ठथो अश्विना । आ वां स्तोमा इमे मम नभो न चुच्यवीरत ॥ 8 ॥
यदद्य वां नासत्योक्थैराचुच्युवीमहि । यद्वा वाणीभिरश्विनेवेत्काण्वस्य बोधतम् ॥ 9 ॥
यद्वां कक्षीवाँ उत यद्वांश्च ऋषिर्यद्वां दीर्घतमा जुहाव
पृथी यद्वां वैन्यः सार्दनेष्वेवेदतो अश्विना चेतयेथाम् ॥ 10 ॥
यातं छर्दिष्वा उत नः परस्मा भूतं जगत्वा उत नस्तनूपा । वर्तिस्तोकाय तनयाय यातम् ॥ 11 ॥
यदिन्द्रेण सुरथं याथो अश्विना यद्वा वायुना भवथुः समोकसा
यदादित्येभिर्ऋभुभिः सजोषसा यद्वा विष्णोर्विक्रमणेषु तिष्ठथः ॥ 12 ॥
यदद्याश्विनावहं हुवेय वाजसातये । यत्पृत्सु तुर्वणे सहस्तच्छ्रेष्ठमश्विनोरवः ॥ 13 ॥
आ नूनं यातमश्विनेमा हव्यानि वां हिता । इमे सोमांसो अधि तुर्वशे यदाविमे कण्वेषु वामथ ॥ 14 ॥
यन्नासत्या पराके अर्वाके अस्ति भेषजम् । तेन नूनं विमदाय प्रचेतसा छर्दिर्वत्साय यच्छतम् ॥ 15 ॥
अभुत्स्यु प्र देव्या साकं वाचाहमश्विनोः । व्यावर्देव्या मतिं वि रातिं मर्त्येभ्यः ॥ 16 ॥
प्र बोधयोषो अश्विना प्र देवि सूनृते महि । प्र यज्ञहोतरानुषक्प्र मदाय श्रवो बृहत् ॥ 17 ॥
यदुषो यासि भानुना सं सूर्येण रोचसे । आ हायमश्विनो रथो वर्तियाति नृपाय्यम् ॥ 18 ॥
यदापीतासो अंशवो गावो न दुह ऊर्धभिः । यद्वा वाणीरनूषत् प्र देव्यन्तो अश्विना ॥ 19 ॥
प्र द्युम्नाय प्र शर्वसे प्र नृषाहाय शर्मणे । प्र दक्षाय प्रचेतसा ॥ 20 ॥
यन्नूनं धीभिरश्विना पितुर्योना निषीदथः । यद्वा सुप्नेभिरुक्थ्या ॥ 21 ॥
(6) 10 (म.8, अनु.2)

ऋषिः प्रगाथः काण्वः छन्दः बृहती 1,5, मध्येज्योतिः 2, अनुष्टुप् (शंकुमती) 3, आस्तारपङ्क्तिः 4,
सतोबृहती 6 देवता अश्विनौ

यत्स्थो दीर्घप्रसन्नानि यद्वादो रौचने दिवः । यद्वा समुद्रे अध्याकृते गृहेऽत आ यातमश्विना ॥ 1 ॥
यद्वा यज्ञं मनवे संमिमिक्षथुरेवेत्काण्वस्य बोधतम्
बृहस्पतिं विश्वान्देवाँ अहं हुव इन्द्राविष्णू अश्विनावाशुहेषसा ॥ 2 ॥

त्या न्वश्विना हुवे सुदंससा गृभे कृता । ययोरस्ति प्र णः सुख्यं देवेष्वध्याप्यम् ॥ 3 ॥
ययोरधि प्र यज्ञा असूरे सन्ति सूरयः । ता यज्ञस्याध्वरस्य प्रचेतसा स्वधाभिर्या पिबतः सोम्यं मधु॥4॥
यदद्याश्विनावपाग्यत्प्राक्स्थो वाजिनीवसू । यद्ब्रुह्यव्यनवि तुर्वशे यदौ हुवे वामथु मा गतम् ॥ 5 ॥
यदन्तरिक्षे पतथः पुरुभुजा यद्वेमे रोदसी अनु । यद्वा स्वधाभिरधितिष्ठथो रथमत् आ यातमश्विना॥6॥

(10)

11

(म.8, अनु.2)

ऋषिः वत्सः काण्वः	छन्दः प्रतिष्ठा 1, वर्धमाना 2, गायत्री 3-9, त्रिष्टुप् 10	देवता अग्निः
-------------------	---	--------------

त्वमग्ने व्रतपा असि देव आ मर्त्येषु	त्वं यज्ञेष्वीड्यः	॥ 1 ॥
त्वमसि प्रशस्यो विदथेषु सहन्त्य	अग्ने रथीरध्वराणाम्	॥ 2 ॥
स त्वमस्मदप द्विषो युयोधि जातवेदः	अदेवीरग्ने अरातीः	॥ 3 ॥
अन्ति चित्सन्तमहं यज्ञं मर्तस्य रिपोः	नोप वेषि जातवेदः	॥ 4 ॥
मर्ता अमर्त्यस्य ते भूरि नाम मनामहे	विप्रासो जातवेदसः	॥ 5 ॥
विप्रं विप्रासोऽवसे देवं मर्तास ऊतये	अग्निं गीर्भिर्हवामहे	॥ 6 ॥
आ ते वत्सो मनो यमत्परमाच्चित्सुधस्थात्	अग्ने त्वांकामया गिरा	॥ 7 ॥
पुरुत्रा हि सदृङ्ङसि विशो विश्वा अनु प्रभुः	समत्सु त्वा हवामहे	॥ 8 ॥
समत्सुग्निमवसे वाज्यन्तो हवामहे	वाजेषु चित्रराधसम्	॥ 9 ॥
प्रलो हि कृमीड्यो अध्वरेषु सनाच्च होता नव्यश्च सत्सि		
स्वां चाग्ने तन्वं पिप्रयस्वाऽस्मभ्यं च सौभगमा यजस्व		॥ 10 ॥

| इति पञ्चमाष्टके अष्टमोऽध्यायः समाप्तः ।

| इति पञ्चमोऽष्टकः समाप्तः ।